

Abonnement pour un an:

300 piastres

Edition spéciale 300 piastres

Adresse:

Idjtihad Constantinople

Téléph-St, 865.

XXème ANNÉE

1 Mai 1925—No 179

اجتهاد

فلسفی ، اجتماعی ، ادبی ، اقتصادی مجموعہ

آبونمان : سنہ لکی [۲۴ نسخہ]

تورکیا ایچون ۲ ، خارج ایچون

۳ ، اعلا کاغذلیسی ۵ لیرادر .

ادارہ خانہ سی

جفال اوغلندہ « اجتهاد نھوی »

تلفون : استانبول ۸۶۵

یکر منجی سنہ

نومرو ۱۷۹-۱ مایس ۱۹۲۵

بویوک آدملر ناصیل تجلیل و تقدیر اولنور

رومانیا پروفیسورلرندن دوقتور بابش

Professor Dr Babes

۲ مارت ۱۹۲۵ تاریخلی اراده قرالیه ایله (بکرش) ک باتولوجیا و باقتریولوجیا بویوک و مشهور انستیتوسنه پروفه سورینک اسمنه اضافه « انستیتو بابش » عنوانی ویرلدی. بو انستیتو ۱۸۸۷ ده دوقتور (بابش) طرفندن تاسیس ایدلمش و مؤسسنگ سسی مئادیسسی سایه سنده تدریجاً او درجه ترقی ایتمشدرکه بو کون ملل غریبه مؤسسات فیه لری صره سنده مهم و بویوکسک بر موقع طومغه موفق اولمشدر.

آلتی شعبه فیه یه منقسم بو مؤسسه یی (بابش) یاراتمشدر . تاسیس تاریخنه تصادف ایدن ۱۸۸۷ ده آوروپانک متری فاکولته لرنده بیله بویوکامثال بر انستیتو یوق ایدی . قرق سنه کندی سسی مئادیسسیله انستیتوسنی فن عالنه طانتدیرمشدر . بابش داءالکلب تداو یسینده وروپانک بیله اقتباس ایتدیکی یکی مه تدرله استحضارات یایدقدن بشقه دیقتری ومه نه لغو قوق مصلی ؛ قولرا ، تیفوس آشیسی ، توبرکولین و (موروین) ی کندی لابوراتوارنده خصوصی بر طرزده احضار ایتدی . انستیتو ، حفظالصحه استقامتدهده چالیشدی قولرا ، جزام ، پهلاغرا ، وبا ، تیفوس ، حمای نفاسی ، حمه وسائر اوزدرینه پروفیلاقسی تدایر و اصول تداولبری کشف و تطبیق ایتدی . بو انستیتو ، ایچیه جک عادی و معدنی صولرک تحلیلاتی فنی بر صورته ابلاغ ایتدی . بتون تحلیلات علی العموم دینه جک درجه ده بوارالفنده یاپیلیوردی بر قاقچی آلان بر حیات اولان علمای مشهوره دن : ویرخوف ، قورنیل ، سهی دهن ، نوتناغل ، لاندوزی ، ناومان ، مولر ، ساسبان ، قوخ ، نای سهر ، اوتو ، الخ کبی ذوات ، توارخ مختلفه ده بو انستیتوی زیارت ایدرک تقدیرلر یاغدیرمش و «بابش» له خارقه نما سسی وغیرتی نتیجه سی اولاراق بو انستیتوده آلتی یوزه قریب کشف یاپلمش و بو فن آدمی ، انستیتوسی دولایسیله ، وطن وملتتی عالم مدینته طانتدیرمشدر .

بو صولک کونلرده پروفیسور «بابش» الک ییکی کشفیه

اسمنی اولمز بر درجه یه یوکسکلتمشدر : چیچک آشیسی فصل اطفالی چیچک خسته انی صالغینه قارشى معافیت مظهر ایدرسه قوش پالازینه قارشى ده چوققلری مصون قیله جق بر « سهر وواقسین » کشف ایتمشدر . کندیسینه مخصوص بر اصول ایله احضار ایتدیکی بو آشی بو کون امری بقالک اکثر محله لنده تطبیق اولونماقده و نتایج حسنه ویرمکده در . حتی جمعیت اقوامک صهی قومیسسیونى ، داغیتدینی بیکلرجه خطر سهیله پروفیسور « بابش » ک اثر همتی اولان بو آشینک اوروپانک هر طرفنده تطبیقی توصیه ایتمشدر . فرانسولرک بویوک «باستور» ه ، آلمانلرک [ویرخوو] ه اضافه یوکسکلتدکری انستیتولره اولدقجه معادل بو انستیتویه بابش اسمنگ اضافتی رومنلر چوق گورمیورلر . اونوتولماز سعیمیله رومانیایی علم و فن عالنه طانتدیرمشدر . بوسنه یتش یاشنه کیرن بابش آلان وجودنده و دماغنده چالشقم قوتی بولماقده در . هیکلی رکز ایدیلهدن اول عالم طبایته داها پک چوق اییلکیر یاباغاغه امیندر . ۱۳۰۸ ده کلخانه طب فاکولته سسینده اکال تحصیل ایتدیکم وقت «تهز» می قودوز خسته لنی اوزهرینه یازمش و اوتوزاوج سنه اول بابشک داءالکلب اصول تداو یسندن و نخاع شوکی محلولاتنگ صورت زرقدن بحث ایتش ایدم . اوصره ده قودوز تداو یخانه سی مدیری و پروفیسور مناولان «زورئیروس» پاشانک بلکده اسمنی ایشیتمه مش اولدینی بویوک آدمک مه تودلرندن بحث ایتم خوشنه کیمه مش ایدی !

بکره شک پک مشهور اولان «انستیتومه دیقوله غالی» سنه ده پروفه سسور [مینوویچی] نامنه اضافه :

Institut de Professeur Minovici

نامی ویرلمشدر .

بو انستیتولر حقیقه اوروپا مرکز لرینک پک چوغنده نادربولنور مؤسسات دندرلر . «رومانیا» ده ازجه «بکره ش» ده حیاتک سائر مدنی مملکتلره حتی استانبوله نظر آ پک اهون اولماسی و (رومانیا) نک تورکیایه قریبی مناسبتیه تورکیا جمهوریتی طب منسوبلری کینجولرک بو شعبه لرده کسب اختصاص ایتملری ایچون بکره ش الویریشلیدر . لسانی ده پک چابوق اوکره نیله بیلیر ، فضله اوله رق بکره شک پک چوق اولان لابوراتوارلرندن ، واسع خسته خانه لرندن ده استفاده ایدلمش اولور .

دوقتور ابراهیم تهو